

فلسطین دولتی 17 خرداددا تشکیل تاپیر

حماس جونبیشینین سیاسی دفتر رئیس و فلسطین خودگردان تشکیلاتینین رئیس، ژوئن آیین آلتیسیندا (17 خرداد) تازا فلسطین دولتین تشکیل وئرمک اوچون گؤروشچکلر.

خبری اولان بیر مصرلی منبع دئدی: محمود عباس و خالد مشعل ژوئنن آلتیسیندا تازا فلسطین دولتین تشکیل وئرمک اوچون گؤروشوب موداکیره ائده جاقلا و قرار دی بو گؤروش قاهرده اولسون و مستقبل تکنوکرات شخصیتلرین بیر نچه سی ده بو موداکیره ده حاضر اولاجقلار.

بو بیر حالدا دی کیم حماس سیاسی دفتری نین بیر عضوی اعلام ائله دی کی فتح و حماس هیئت لری نین موداکیره لری میلی دولتین تشکیلی اوچون قاهرده باشلا ییب.

«سامی خاطر»، «الحیات» روزنامه سیله دانیشیقدا دئدی کی دانیشیقلا حماس هیئت ی بو جونبیشین سیاسی دفتر رئیسینین معاوینین «موسی ابومرزوق» ون باشلیغی اینن و فتح هیئت ی بو جونبیشین مرکزی کومینه سی نین عضوی «عزام الاحمد» ین باشلیغی اینن، دونن باشلا ییب.

او، دولتین تشکیل تاپماسینا حماس طرفیندن هر جور پیش شرطین اولماسینی رد ائله دی و آیدینلادی: وزیرلیق پوستلاری اوچومله دن باش وزیرلیق کیمی اساسی پوستلار توافوقی حالتده بؤلونه جاق و مستقبل و تکنوکرات شخصلرین آدلاری بو پوستلار اوچون نظرده آلینا جاق. او دئدی: 10 گوندن آرتیق اولمایان بو دانیشیقلا رین آخیرینده، میلی وحدت دولتین تشکیلی اعلام اولاجاق.

او هابئله خاطرلادی کی غزه ده اینتیخاباتین مرکزی کومینه سی ایشینی تازادان باشلا ییب و اینتیخاباتین برگوزار اولماسی اوچون رأی وئرلرین آد بازدرماسی باشلا ییب.

موحاصیره نین فوراً لغو اولماسی
ایری طرفدن، غزه نواری ساکینلری نین بهداشتی وضعلری نین چتینلیغی و کؤمک یئتیرمه نین چتین اولماسینا گؤره بین المیللی بهداشت سازمانی، صهیونیستی رژیم طرفیندن غزه نواری نین موحاصیره اولماسینی محکوم ائدی و بو موحاصیره نین هر نه تنزاق قورتولماسینی ایسته ییب.

بین المیللی بهداشت سازمانی نین تصویب ائله دیغیندا غزه نین صهیونیستی رژیم طرفیندن موحاصیره اولماسی محکوم اولوب.

بو مصوبه ده کی 56 موافیق، 6 موخالیف و 48 مومتنیع رای اینن 72 اؤلکه نین غایبیندا تصویب اولدو، صهیونیستی رژیمدن ایسته نیلیب کی هر نه تنزاق غزه نین موحاصیره سینه سون قویسون، نییه کی بو منطقه نین موحاصیره سی طیبی کؤمکلر و داوالارین حددن آرتیق آزیغنا سبب اولوب.

تجاووزون موقابله
هابئله عرب ایتخادیه سی نین فلسطین و ایشغال اولموش اراضی ایشلری نین دبیر کول معاوینی، عرب اؤلکه لریندن ایسته دی صهیونیستی رژیمین تجاووزلرینه سون قویماق اوچون جیدی ایشلر گؤرسونلر.

«محمد صبیح» عرب اؤلکه لریندن ایسته دی آمریکا و دنیا دولتلری قباغیندا جیدی ایشلر گؤرسونلر و بین المیللی جامعیه یه گروهی پیام وئرسینلر کی داها عربلر باریشما گندیشی نین راکید قالماسی و شهرک دوزلتمه نین ایدامه تاپماسینا قبول ائله میرلر.